

DIARIO

UN BANDERA... UN ESCUDO... UN HIMNO... UN DIARIO

Hubentud den movecion

pa Mercedes Monge

Proyecto Pitch Time ta informa:



Proyecto Pitch Time ta canando den full swing unda cu na e momento nan aki e 15 fundacionnan cu a wordo selecciona ta buscando hobennan boluntario pa yuda den e proyectonan. Cada fundacion cu a wordo selecciona lo mester recluta un team di minimo 5 y maximo 10 hoben cu mester ta involvi den e proyecto. E hobennan lo mester compromete nan mes pa yuda den e ehecucion di e proyecto, na momento cu e organisacion y hoben gana e suma di in-

version pa e proyecto. Si abo ta un hoben cu kier siña desaroya bo habilidad den organiza y ehecuta den un forma structura un fundacion / instancia esaki ta bo oportunidad. Manda bo number y informacionnan na info@pitchtimearuba.com of por yama na 5827666 y puntra pa Elsa. Cada Proyecto tin un youth coach cu lo yuda den e preparacion hunto cu e team di boluntarionan. Tur lo ricibi entrenamiento y preparacion pa e momento di Pitch dia 6 di April 2019.

Durante e simannan venidero nos lo trece un splicacion cortico di e 15 fundacionnan cu ta participando den e Proyecto. Otro siman e hobennan lo ricibi cursonan pa asina nan por prepara nan mes pa bende e Proyecto cu e sponsornan cu a compromete na mes pa inverti 15.000 florin den un Proyecto. Cacique Macuarima Scouting - Proyecto : Renovacion di nan Logo, website y recluta miembronan nobo. E grupo di scout aki a haci un Proyecto hunto pa trece



un cambio den nan logo, website y traha un video promocional y foyeto pa asina hinca mas interes den hobennan pa drenta e mundo di scouting. E ta na gran interes y beneficio di e educacion y preparacion y progreso personal tanto fisico y creativo di cualquier hoben. Youth Coach pa e proyecto aki ta Tai Kong Trimon Favi - Proyecto : Website tranformation Desde 2009 FAVI a traha su website, pero a ripara cu durante di e añanan e website a keda hopi estatico. FAVI ta haña cu ta importante pa transforma nan website den uno mas interactivo y practico pa tanto nan clientenan como mayornan, docentenan y tur otro interesadonan. Youth Coach pa e proyecto ta Bryan Dirks FADA - Proyecto: Red Rib-



bon Week Box Durante un siman den luna di October F.A.D.A ta organiza un campaña di conscientisacion contra e uso, abuso y traficacion di droga, alcohol y tabaco. Durante e siman ta dedica na tur dia bisti algo di locura. Apesar cu e tin un temporada caba ta wordo organiza toch tin hende na Aruba cu ainda nos sa di red ribbon week y pakico nan ta bisti na locura. Esey ta pone cu FADA kier crea un box unda lo pone na diferente scolnan basico pa asina duna y ricibi ideanan. Lo duna informacion y material pa tur scol na Aruba pa asina e docentenan por educa nos mucha nan di kico ta Red Ribbon Week y pakico nos ta bisti na un manera loco. Youth Coach ta Jennifer Huldy.